

Broj: 06-03-800-05/15
Mostar, 18.12.2015. godine

Na osnovu člana 21., člana 22., člana 37., člana 38. i člana 87. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10, člana 11., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 45. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14) i člana 52. Pravilnika za izdavanje dozvola („Službene novine Federacije BiH“ broj 43/14), te na osnovu podnesenog Izvještaja o nadgledanju imaoca dozvole „G.M.C. BiH“ d.o.o. Orašje, Regulatorna komisija za energiju u Federaciji Bosne i Hercegovine – FERK je 18.12.2015. godine na XXIII redovnoj sjednici donijela sljedeće

RJEŠENJE

1. Nalaže se „G.M.C. BiH“ d.o.o. Orašje, imaocu Dozvole za rad - licenca za obavljanje elektroprivredne djelatnosti proizvodnje električne energije broj 06-03-364/26/13 od 23.07.2013. godine, poduzimanje sljedećih mjera **bez odlaganja**, u skladu sa uslovima izdate dozvole po tačkama kako slijedi:

a) Zakoni, propisi i tehnički standardi

Tačka 4.1.2. Dozvole za rad - licence za obavljanje elektroprivredne djelatnosti proizvodnje električne energije

1) da dostavi kopiju Pogonskog uputstva za solarnu fotonaponsku elektranu „G.M.C. BiH“, odobrenu od strane nadležnog Operatora distributivnog sistema.

b) Računovodstvene aktivnosti

Tačka 5. Dozvole za rad - licence za obavljanje elektroprivredne djelatnosti proizvodnje električne energije

1) da vodi poslovne knjige i radi finansijske izvještaje za djelatnost proizvodnje električne energije, odvojeno od ostalih djelatnosti, što predstavlja trajnu obavezu imaoca dozvole,

2) da poslovne knjige i finansijske izvještaje za djelatnost proizvodnje električne energije vodi u okviru internog računovodstva, bez obaveza predavanja istih nadležnim institucijama u skladu sa propisima kojima se uređuje računovodstvo i revizija,

3) da izvještava FERK o poduzetim aktivnostima iz ove tačke.

2. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a.

Obrazloženje

Postupajući u skladu sa Zakonom o električnoj energiji („Službene novine Federacije BiH“ broj 41/02, 24/05, 38/05 i 83/11), propisanim nadležnostima, FERK je imaocu dozvole „G.M.C. BiH“ d.o.o. Orašje Rješenjem broj 06-03-364-10/26/13 od

Regulatorna komisija za energiju u Federaciji Bosne i Hercegovine – FERK

Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

1

Id.br.: 4227378050005 ; Transakcijski račun [KM]: 5550000013715624;

devizni račun: 5550000013716303, kod NOVA BANKA A.D. FILIJALA MOSTAR

23.07.2013. godine izdao Dozvolu za rad - licenca za obavljanje elektroprivredne djelatnosti proizvodnje električne energije broj 06-03-364/26/13 za proizvodni objekat solarna fotonaponska elektrana „G.M.C. BiH“. Period važenja navedene dozvole za rad – licence je do 22.07.2018. godine.

U navedenoj Dozvoli za rad u tački 4.1.2. propisano je da je imalac dozvole obavezan zajedno sa nadležnom elektrodistribucijom, odnosno Operatorom distributivnog sistema razraditi pogonska uputstva za svoju elektranu, dok je u tački 4.14.2. dozvole za rad propisano da je imalac dozvole obavezan dostaviti izvještaj sa tehničko-energetskim i finansijskim podacima u skladu sa Pravilnikom o izvještavanju za imaoce licence za djelatnost snabdijevanja električnom energijom II reda i nezavisne proizvođače.

Tačkom 5. dozvole za rad propisano je da je imalac dozvole obavezan voditi poslovne knjige i raditi finansijske izvještaje za elektroprivrednu djelatnost proizvodnje odvojeno od ostalih djelatnosti, za čije je obavljanje registrovan po Zakonu o privrednim društvima, kao i prema odredbama Zakona o električnoj energiji Federacije Bosne i Hercegovine i propisima o međunarodnim računovodstvenim standardima i međunarodnim standardima finansijskog izvještavanja.

Osim navedenog, tačkom 9. predmetne dozvole propisano je da u okviru svojih nadležnosti FERK vrši nadgledanje ispunjenja uslova iz ove dozvole, te da je u cilju ispunjenja uslova iz ove dozvole imalac dozvole obavezan dostavljati podatke u skladu sa tačkom 4.15. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u FBiH, da bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a. Takođe, propisano je i da je imalac dozvole obavezan obavijestiti FERK o svakoj povredi uslova dozvole u roku od 10 dana od saznanja da je došlo do povreda. Ovlašteni zaposlenici FERK-a, u skladu sa ovom tačkom, imaju pravo obavljati redovno i vanredno nadgledanje u prostorima imaoce dozvole, da bi izvršili uvid u obavljanje elektroprivredne djelatnosti po obavezama datim u dozvoli, te je imalac dozvole obavezan saradivati sa FERK-om tokom pripreme i prilikom obavljanja nadgledanja.

Tačkom 11. dozvole za rad propisano je to da ukoliko FERK zaključi da imalac dozvole nije ispoštovao ili krši uslove dozvole, poduzima sljedeće aktivnosti: a) opominje imaoce dozvole o evidentiranim nepravilnostima b) podnosi prekršajni nalog c) pokreće postupak oduzimanja dozvole za rad.

Na osnovu člana 21., člana 22., člana 38. i člana 87. stav (3) Zakona o električnoj energiji u Federaciji Bosne i Hercegovine i člana 52. Pravilnika za izdavanje dozvola, odnosno u skladu sa tačkom 9. Dozvole za rad - licence za obavljanje elektroprivredne djelatnosti proizvodnje električne energije broj 06-03-364/26/13 od 23.07.2013. godine u proizvodnom objektu solarna fotonaponska elektrana „G.M.C. BiH“, 01.10.2015. godine Komisija za nadgledanje obavljanja licenciranih djelatnosti imenovana Rješenjem FERK-a broj 05-08-422-05/15 od 11.06.2015. godine izvršila je nadgledanje obavljanja djelatnosti proizvodnje električne energije. Tokom nadgledanja, navedenoj komisiji nije dostavljeno na uvid Pogonsko uputstvo, koje je, prema uslovima dozvole, imalac dozvole bio obavezan da izradi sa nadležnim operatorom distributivnog sistema. Dalje, uvidom na licu mjesta utvrđeno je da imalac dozvole „G.M.C. BiH“ ne vodi poslovne knjige i ne radi finansijske izvještaje za elektroprivrednu djelatnost proizvodnje odvojeno od ostalih djelatnosti, za čije je obavljanje registrovan po Zakonu o privrednim društvima, kao i prema odredbama Zakona o električnoj energiji FBiH i propisima o međunarodnim računovodstvenim

standardima i međunarodnim standardima finansijskog izvještavanja i za što ima obavezu po uslovima dozvole.

O izvršenom nadgledanju, komisija je sačinila Izvještaj o obavljenom regulatornom nadgledanju, koje je dostavljeno imaoocu dozvole na davanje komentara pod brojem 06-03-800-02/15 dana 26.11.2015. godine. Imalac dozvole je 01.12.2015. godine u FERK pod brojem 06-03-800-03/15 dostavio dopis „Dostava dokumentacije“ i dana 04.12.2015. godine je dostavio u FERK putem elektronske adrese pod brojem 06-03-800-04/15, u kojem je navedeno da uvažava sve preporuke iz dostavljenog izvještaja, te da će „G.M.C. BiH“ d.o.o. Orašje postupiti po istim i u što kraćem roku korigovati nedostatke koji su konstatovani.

FERK je na XXIII redovnoj sjednici održanoj 18.12.2015. godine analizirao Izvještaj o obavljenom regulatornom nadgledanju, kao i dostavljene komentare imaooca dozvole, od kojih je neke komentare nakon pažljivog razmatranja usvojio, a za neke je ocijenio da isti nisu opravdani, a sve u skladu sa svojim pravilima i propisima i uslovima dozvola za rad.

FERK je utvrdio da je potrebno imaoocu dozvole naložiti poduzimanje mjera, navedenih u dispozitivu ovog rješenja, da bi se otklonile sve učinjene povrede izdate dozvole za rad, i to bez odlaganja.

Na osnovu naprijed navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja imenovani može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić